



Broj: 02-11-4-515-6/26  
Goražde, 03.03.2026.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22 i 50/24) u postupku **javne nabavke opreme za Civilnu zaštitu – Služba za zaštitu od požara – nabavka električnog paletara** putem Konkurentskog zahtjeva za dostavljanje ponuda, Gradonačelnik Grada Goražda donosi:

**ODLUKU**  
o izboru najpovoljnijeg ponuđača

**I**

Prihvata se preporuka Komisije za provođenje postupka javne nabavke električnog paletara za potrebe Službe za zaštitu od požara Grada Goražda, te se Ugovor o nabavci i isporuci električnog paletara dodjeljuje ponuđaču „EXTENDER” d.o.o. Sarajevo, sa ponuđenom cijenom ponude u iznosu od 2.470,00 KM, bez uračunatog PDV-a.

**II**

**Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u postupku javne nabavke.**

**III**

U smislu tačke 3.1.2. Tenderske dokumentacije, Ponuđač je u Ponudi, pored Izjave o ispunjenosti uslova iz člana 45. Zakona o javnim nabavkama dostavio dokaze u svrhu dokazivanja činjenica potvrđenih u izjavi, osim potvrde Suda Bosne i Hercegovine kojom dokazuje da protiv ponuđača u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, a u smislu.

**Navedena potvrda Suda BiH mora biti zaprimljena kod Ugovornog organa – Gradske uprave Goražde u roku od 7 dana od dana prijema ove Odluke.**

**IV**

Nakon pravosnažnosti ove Odluke, Grad Goražde će pozvati ponuđača „EXTENDER” d.o.o. Zenica radi zaključenja ugovora kojim će regulisati međusobna prava i obaveze vezane za predmetnu nabavku, shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

**O b r a z l o ž e n j e**

Gradonačelnik Grada Goražda je dana 12.02.2026. godine donio Odluku o pokretanju postupka javne nabavke opreme – električnog paletara za potrebe Službe za civilnu zaštitu, zaštitu od požara i vatrogastvo Grada Goražda, putem postupka Konkurentskog zahtjeva za dostavljanje ponuda, na osnovu koje je dana 13.02.2026. godine, na portalu javnih nabavki objavljeno je Obavještenje o nabavci broj 413-7-1-3-33/26, a sažetak navedenog Obavještenja o nabavci objavljen je u „Službenom glasniku BiH” broj 13/26.

Tenderska dokumentacija za ovu nabavku je objavljena takođe na portalu javnih nabavki i istu je preuzeo 12 zainteresovanih ponuđača.

Kao krajni rok za dostavljanje ponuda u ovom postupku nabavke je određen 24.02.2026. godine do 11:00 sati.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u Zapisniku sa otvaranja ponuda od 24.02.2026. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-11-4-515-3/261 od 12.02.2026. godine sačinila je Zapisnik o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za javnu nabavku roba – Električnog paletara dostavljene ponude sljedećih ponuđača:
  - „NV - INVEST” d.o.o. Sarajevo sa ponudnom cijenom u iznosu od 2.500,00 KM, bez PDV-a
  - „EXTENDER“ d.o.o. Sarajevo sa ponudnom cijenom u iznosu od 2.470,00 KM, bez PDV-a
- da dostavljena ponuda ponuđača „NV - INVEST” d.o.o. Sarajevo ne ispunjava uslove vezano za tehničku i profesionalnu sposobnost iz razloga što je dostavljeni katalog sa prospektnom dokumentacijom štampan na jeziku koji nije u službenoj upotrebi u BiH, a nije dostavljen službeni prevod sudskog tumača na jedan od službenih jezika u BiH, kako je precizirano tačkom 3.4.2 Tenderske dokumentacije.
- da dostavljena ponuda ponuđača „EXTENDER” d.o.o. Sarajevo ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača koji su za ovu nabavku postavljani tenderskom dokumentacijom
- da Tenderskom dokumentacijom predviđena e-aukcija nije ni zakazana iz razloga što je u smislu naprijed izloženog dostavljena jedna prihvatljiva ponuda.

Komisija za provođenje postupka javne nabavke opreme – električnog paletara za potrebe Službe za civilnu zaštitu, zaštitu od požara i vatrogastvo Grada Goražda predložila je Gradonačelniku Grada Goražda donošenje Odluke o prihvatanju ponude ponuđača “EXTENDER” d.o.o. Sarajevo za nabavku električnog paletara za potrebe Službe za civilnu zaštitu, zaštitu od požara i vatrogastvo Grada Goražda budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 5 dana od dana prijema iste. Žalba se izjavljuje Uredu za razmatranje žalbi BiH, putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka, uz priloženi dokaz o plaćenju naknadi za pokretanje žalbenog postupka.

**DOSTAVITI:**

1. Ponuđačima(x 2)
2. Web stranica Ugovornog organa
3. u spis
4. a/a

**GRADONAČELNIK**  
**ERNEST IMAMOVIĆ**

